

同里志卷之二

地輿志下

水利

同川諸港上承龐山湖之水而東北流於吳淞者也故必疏濬下流使水有所歸方無壅塞之虞矣志水利
乾隆六年里人趙植任德成陸廷聘等募貲開市河自東溪橋起至富觀橋止其築壩戽水挑土銀無考
二十八年里人王銓袁希賢王士增王樹圻范時勉等募貲開市河自市裏起至漆字圩昇平橋止其費銀亦無考
嘉慶八年里人王自鎬陳兆璵劉守愚劉德新等募貲開市河西自謝家橋起北至富觀橋東至小東溪橋共計三
百餘丈深尺餘共費錢四百千有奇奉憲禁畜鵝鴨伐石立古紅檣中

同里志

卷二 水利

一

橋梁

橋梁設以利涉古多架木末始磬石而莫盛於吳誠澤國之勝概也同里橋梁甚多祇載其尤著者因時修舉新舊異名不可偏廢誤者正之疑者闕焉志橋梁

〔思本橋〕在南荒圩宋葉茵邑志建俗名思汾橋後建修無考

〔水竹墅橋〕跨西球屈志西柳兩圩宋葉茵邑志亦建

〔永寧橋〕跨外學職字兩圩元至正二十六年法喜寺僧天瑞建 國朝康熙四十三年里人顧西峇重建嘉慶十六年洞真觀僧道興等募同里鎮任來復重建

〔東新橋〕跨東稽稠成字兩圩舊名東溪橋元至順元年建明永樂中里人李傳等重建成化三年里人丁原吉顧景移建府志再建 易名東新橋嘉靖四十年里人重建今俗名大東溪橋

按此橋明成化前在同里湖濱奈風濤作時行旅頗艱故移建於內又按石刻東溪橋嘉靖四十年正月立仍名東溪橋特未詳建與修耳

〔慶榮橋〕跨稅稠兩圩元至正十三年府志十年里人甯成建明成化中里人顧寬再建 國朝康熙九年里人沈敬宇募建易今名富觀橋里人陸雲祥撰記刊石立洞真觀前載集文中

同里志

卷二 橋梁

〔梳櫛橋〕跨南秘窰字兩圩明初里人陸仲和建一名疎柳橋

〔智安橋〕跨東稽稠果字兩圩明洪武二年建莫志作 宏治中里人顧寬沈達重建後建修無考今俗名小東溪橋

〔飲馬橋〕跨西稽稠東稽稠兩圩明洪武中里人陸仲和莫志作陸氏建府志作 國朝康熙三十三年徽商程棟重建乾隆四年里人袁棟再建二十四年里人王銓王廷錦凌學濂陸廷聘等重建嘉慶初里人修

〔乙卯橋〕在冷家浜明永樂中里人章口中見新舊冷賢建府志作永樂乙卯里人冷賢建

〔斜橋〕跨移定畢圩東浜口初建無考明永樂中重建 國朝乾隆中里人重建

〔永興橋〕跨西柳南荒兩圩明永樂二年里人重建正統十三年道士戴志淵建名湯家橋 國朝康熙初里人程汝端建乾隆五十五年里人募貲重建里人顧汝敬撰載集文中嘉慶初重修

按湯家橋邑志並作明正統十三年道士戴志淵建並無永興橋名考永興橋另列為永樂二年里人重建今按石刻宣德年間重建永興橋即湯家橋是郡邑諸志並誤為二橋也明矣

〔得春橋〕跨東稽稠西稽稠兩圩初建無考莫志作明永樂中重建 明天順中里人何蕃周信重建成化中再建 國朝康熙

四十四年里人項祥甫等募貲重建乾隆二十四年里人王銓王廷錦凌學濂陸廷聘等募貲重建

〔昇平橋〕跨稠洪字兩圩初建無考明正統十三年重建 國朝康熙四十四年里人項祥甫等募貲重建

〔中新橋〕在二十六都今無考明正統十三年里人何廷璧建府志作重建

〔廣仁橋〕在西柳圩明景泰中里人陳讓建成化丁酉年重建 國朝乾隆十三年里人朱東發等募資重建旁有獨石橋名蔣家橋建修無考

〔長春橋〕跨漆字洪字兩圩明成化初里人莫敬周信建 國朝乾隆九年里人錢服周等募修俗名魚行橋

〔廣濟橋〕跨南荒北荒兩圩初建無考明成化中里人陳銘重建今俗名海雲橋

〔廣利橋〕跨東柳稠穠兩圩舊名福建橋初建無考明成化中里人陳鏞謝忱改建府志作重建俗名謝家橋 國朝康熙二十九年里人重建一名長慶橋

〔永昌橋〕在二十六都初建無考明成化中重建莫志作金志聖募建宏治初里人沈達再建

〔玉帶橋〕跨西穠稠穠字兩圩明宏治中里人陳天祥賜玉帶得名建置無考今俗名小橋

〔會川橋〕跨西柳洪字兩圩明正德初里人顧寬等建 國朝康熙四十四年里人顧世美重修嘉慶八年里人陳佳錫捐設兩旁石欄十一年復捐資募修

〔大通橋〕跨耦字籍字兩圩明正德初里人顧寬等建 國朝康熙中里人顧世美重修今俗名大廟橋

〔通濟橋〕在裏詠圩初建無考明崇禎中重建里人陳紹文撰引

同里志

卷二 橋梁

〔渡船橋〕跨南基存字兩圩一名西津橋初建無考明崇禎間陳元善重建里人陸雲祥撰募疏載集中里人章化光

〔礮石岸東至洞真觀 國朝康熙中里人倪兆鶴等募資重建乾隆三十七年里人王銓王廷錦凌學濂顧晉錫等募資重建

〔里仁橋〕在稠穠圩初建無考 國朝康熙四年重建乾隆三十七年里人顧後覽陳天揆伍翰文等募資重建

〔小川橋〕跨冲字歡字兩圩初建無考 國朝康熙二十四年里人顧盡臣捐資易石嘉慶十一年里人重修

〔長生橋〕跨南荒霜字兩圩初建無考 國朝康熙中里人顧西谷等募建

〔三元橋〕跨西初冲字兩圩初建無考 國朝乾隆初里人許華甫等募建

〔泰來橋〕跨稠穠冲字兩圩初建無考 國朝乾隆十一年里人徐煥易石重建旁有南向水塘一所上留地為起

水要道俗名白場頭里人陳天揆捐設

〔太平橋〕跨東柳漆字兩圩初建無考 國朝乾隆十二年里人范景烈等重建

〔古金橋〕跨移定畢英字兩圩初建無考 國朝乾隆三十二年重建嘉慶十六年洞真觀僧道興募修

〔流虹橋〕跨北祕移定畢兩圩初建無考 國朝乾隆四十四年里人任琳重建

〔榮安橋〕跨西穠稠南祕兩圩舊名永安橋初建無考 國朝乾隆四十五年里人重建

按邑志有永昌橋而無永安橋想永昌後易名永安未可知也又按莫志云金志堅募建金志堅住持翊靈道院永安橋又近翊靈道院是永安橋即古永昌橋無疑矣今更易名爲榮安並列之以備後日參考

〔吉利橋〕跨漆字稠穰兩圩初建無考 國朝乾隆十一年里人范景烈重修四十八年里人重建

〔仁壽橋〕在東稽榔圩初建無考 國朝乾隆五年里人袁桓重建名興隆橋五十二年里人凌學灝等募建

〔廟橋〕跨南祕北祕兩圩初建無考 國朝嘉慶初里人修

〔青龍橋〕在稠字圩今淤塞俗名旱橋一名來龍橋

按此橋未塞時與市裏濠渠相通南通得春橋港北通富觀橋港爲西稽榔圩來龍故名今淤塞

〔中元橋〕跨洪字冲字兩圩初建無考 國朝乾隆十六年里人募建易石

〔連三橋〕跨移來來總畢兩圩

〔祈懺橋〕跨外學圩俗名廟橋

〔烏金橋〕跨移定畢職字兩圩俗名烏溪橋

〔萬賢橋〕跨裏學常字兩圩俗名道士橋

〔張史橋〕跨移定畢穰字兩圩

同里志

卷二 橋梁

四

〔緯橋〕跨霜字箕托兩圩

〔大興橋〕跨襟字原字兩圩俗名大杠橋

〔小橋〕在南荒圩

〔油坊橋〕跨裏果令字兩圩

〔營房橋〕跨外果令字兩圩仍木

〔菱蕩橋〕跨移來稽字兩圩仍木

〔普濟橋〕在二十五都俗名外方尖橋

以上數橋坐落同里鎮下鄉按新舊府縣諸志並未載初建並無考茲據古今雜記之書見菱蕩橋 國朝康熙

熙三十年吉祥菴僧慧徹募修○萬賢橋 國朝康熙五十四年道士盛昭甫募建乾隆二十年里人修四十

口年里人陳天揆捐貲募建嘉慶十六年里人任來復重修○連三橋 國朝康熙間徽商某修餘俱無考姑

將見聞補此備考

〔水柵〕附

姚家灣 東溪橋 湯家橋 富觀橋 萬賢橋 三元橋 江橋 長緯路

建修並無考嘉慶十一年巡檢陳錫華改獨木柵爲馬鞍柵辰啓西閉設以防禦亦一鎮之扞衛也

同里志

卷二 橋梁